

籌辦夷務始末

卷六十七之六十八

籌辦夷務始末卷之六十七

道光二十三年癸卯七月乙巳

欽差大臣兩江總督耆英奏竊。竊於行抵粵省後。當將體察表情。酌籌辦理緣由。專摺奏報在案。正在檢閱。劉署巡撫。嚴辦間。接據夷酋嘖嘖。喧自香港來文。請定期會晤。面定大局。竊當以此事非與該酋面加商確。終難定局。而於未開市之先。令其來省會商。易啓民間疑慮。且香港情形。究竟若何。將來能否杜其走私。亦應親往察看明白。庶有把握。當於五月二十六日早。帶同廣東臬司黃恩彤。侍衛咸齡等。由黃埔換船開行。經過獅子零丁磨刀。銅鼓。各洋面。約計

水程四百餘里。是日下午。即抵香港。該夷目率同夷兵。擺隊奏樂。跨刀遠迎。執禮甚恭。情極馴順。等查看香港。本屬荒島。重巒複嶺。孤峙海中。距新安縣城一百餘里。從前本係洋盜出沒之所。絕少居民。祇有貧窮漁戶數十家。在土名赤柱灣等處。畸零散處。該夷於近年以來。在土名裙帶路一帶。鑿山開道。建蓋洋樓一百餘所。漸次竣工。並有粵東無業貧民。登戶。在該處搭蓋棚寮。販賣食物。約計夷商不滿數百。而內民之貿易及傭力者。已不止數千人。等率同黃恩彤等。與噶嘑喳接見數次。將通商章程。及輸稅事例。反覆辯論。大局麤定。等當因夷性多疑。事既得有頭緒。

亟應堅其所約。以免再有反覆。即於二十九日。恭齋鈐用御寶和約。發給該酋敬謹祇領。並據該酋將該國和約呈進前來。等驗明收訖。後即於六月初一日。率同黃恩彤等駛回粵省。竊查粵海關進出口貨物。百餘年來。遞有變更。即如進口洋貨。向多奇巧玩好。而近年則以棉花為第一大宗。出口各貨。向重綢緞湖絲。而近年則以茶葉為第一大宗。如此二宗稅餉得有加增。則其餘無論增減。均於稅務之贏絀。不致大有出入。前此伊里布督飭委員。與之往復詰難。而稅例不能遽定者。皆由茶棉二項。該夷等不肯聽命增稅故也。檢覈粵海關稅則。每年應徵正稅。及盈餘銀八十

九萬九千餘兩。其額外盈餘。約收一二十萬兩。及三四十萬兩不等。茶葉一項。每年出口約計四五十萬擔。棉花一項。進口約計五十一萬三千餘擔。舊例茶葉每擔以一百斤計算。應徵正耗稅銀。及各項歸公規費。共銀九錢二分零。及八錢七分零不等。棉花每擔亦以百斤計算。應徵正耗稅銀。及各項歸公規費。共銀二錢一分零。督臣祁項督飭黃恩彤等。與夷目議明。茶葉每擔以二兩為額。棉花每擔以三錢為額。較舊例本已有增。勢復與嘯嘯喳面商定。准茶葉每擔增至二兩五錢。較舊例稅規計增倍。棉花每擔增至四錢。較舊例稅規計增幾及一倍。茶葉以四十

五萬擔計之。每年約可收稅銀一百十餘萬兩。棉花以五十一萬三千擔計之。每年約可收稅銀二十萬五千餘兩。即此二宗。已足抵粵海關歲入正額盈餘之數。且此二宗均屬龐重之物。偷漏易於稽查。征收較有把握。其餘各貨稅減者固不能無。而增者亦復不少。且有舊例漏未徵稅。新議增入者。通盤合算。實屬有贏無絀。且關稅以粵海關為最重。該夷赴各口貿易。不以閩浙江蘇等關稅例。藉口圖減。而欲以粵海為額。通行各口。一體輸將。此後商貨流通。所加者更難以數計。再該夷各項大宗貨物。仍在廣州貿易外。惟香港四面環海。舟楫處處可通。現有內地民人。

赴彼零星買賣數年以後漸集漸多勢必至華夷雜處與  
澳門無異查澳門地方自前明迄今三百餘年各該夷先  
後居住安分貿易從未為患內地亦鮮偷漏稅餉情事今  
香港情形幾與相似若不明定章程妥為辦理則走私漏  
稅百弊叢生轉恐與正稅有礙容弑與祁墳等悉心熟商  
酌議辦理再味喇啞佛蘭西等國現在亦據請照新定章  
程辦理容弑會同督撫諸臣將章程覈定後與之要約明  
白專案辦理

耆英又奏再稅餉章程雖為貿易條款實則理財之一端  
瑣屑糾紛動多牽制該夷自釋兵旣撫之後因章程未定



貿易未通。外貌雖極恭順。中心實存驕蹇。所賴通商為該  
夷養命之源。稅例之增減多寡。即關夷情之向背從違。若  
過為搜剔。則恐致反覆。概示優容。又易滋流弊。且夷目嗎  
嚙。嚙久在粵東。於商稅利弊。算及錙銖。我方思控制之方。  
彼已有抵牾之術。不予該夷以小利。恐啓爭端。不留地方  
之餘利。有礙民生。損上益下。雖為輕國大猷。而當此支用  
孔繁之際。又不能不先為

國計。智者處此。亦有操縱兩難之勢。伊里布之鞠躬盡瘁。未  
能一手完結。職是之故。即黃恩彤。咸齡多方設法。辯論再  
三。雖已脣焦舌敝。力盡筋疲。終因伊里布出缺之後。該夷



觀望徘徊。不能定議。向來各國貨船。每年六月以後。即陸續來粵。粵到粵之時。相去貨船進口之期。僅止月餘。若不迅速辨結。關關營趁之人。既多顧慮。夷船聚集守候。非急而生變。即遊行各口。希冀走私。於大局殊有關繫。趕緊督同黃恩彤等。查覈卷宗。體察情形。必須消除其觀望之心。遏抑其驕蹇之氣。方可漸冀就範。因藉該酋請令會晤日期。即示以坦白。朱筆圈令彼駕駛火輪船前來。粵帶同黃恩彤咸齡等。輕裝減從。即坐火輪船前往香港。接見該酋。嘆嗚。喳。粵當即宣布。

皇上恩德。次日親赴該酋住處。以誠破詐。以氣折驕。該酋技無所

施掩然帖服。弩遂在夷樓居住四日。又經黃恩彤等反復  
開導。始得頭緒。內渡瀕行時。據該首嘑嘑噎。呈送身佩洋  
刀一把。以明誠意。並將伊及伊妻子女圖像。懇求帶回。以  
表其神形業已追隨左右。不敢再有異志。啖啖重女輕男。  
今嘑酋將其妻室圖像相贈。據通華語之夷酋等咸稱若  
不誠敬欽信。斷不能如此等語。弩隨將所佩金環並書畫  
紈扇一柄。即行付給。此非弩甘於抑志降心。輕身冒險。又  
不避嫌疑。與之酬酢。蓋不如是。則疑團不釋。彼此相持。迄  
難定案。且從來撫馭外夷。但當計我之利害。不必問彼之  
是非。惟不可因其情詞馴順。稍存大意。致墮其術。回省後

與督撫監督諸臣將議定稅則通盤籌算於

國計不無裨益夷情亦得便利將來開市之後貨物流通小

民足資生計惟拏連日以來心力交勞又似上年在江甯

殊非隨時珍重務保康寧

時夜不成寐食不知味然事關海疆安危大計拏惟有努  
力振刷會同熟商務求妥善以冀仰副

皇上綏靖荒服加惠商民之至意

硃批所辦甚屬正大公誠

耆英又奏再拏正在繕摺間接據噶嘑喳照會以該國蒙  
大皇帝恩准通商業經十月之久因新例未定以致眾商觀望不  
前伊里布前於正月間曾經約期七月初一日頒行新例

夷商無不聞知。現在稅餉已定八九。求速為覈明頒發。以便仍如前約。於七月初一日開市等因。查伊里布於抵粵後。察看商稅情形。不能速定。因夷酋急望開市。恐辦理未能周妥。且各國夷船向年皆於六月內到粵。是以寬為約期。以半年為準。此正月間所以有七月初一日頒行新例之議也。彼時原期三月內定案具奏。四五兩月可以接准部覆。通行各口。六月內可以覈定辦法。約計以七月初一日為期。本屬從容不迫。詎伊里布於二月初出缺。以致二三四數月之間。未免停擱。迨等到粵接辦。一月之內。即定十分之九。原冀稅例早定一日。則夷情早安一日。惟與

督撫海關諸臣尚須熟商方能會摺覆奏並造冊咨部議  
覆需時現居七月朔不過半月之期豈能遽照新例貿易  
礙難准行當即明晰照覆並令臬司黃恩彤侍衛咸齡向  
現在省城之夷目嗎禮遜囉咱喇麻恭等面加曉諭該夷  
目等仍堅執前約再三請求迨將

天朝制度及各口情形詳加辯論該夷目等復稱福州等處新  
設馬頭誠恐趕辦不及廣州近在咫尺又係通商舊地一  
經頒發新例即可奉行無虞阻隔且伊國眾商貨船停泊  
外洋者已有三十餘隻均因新例未定不便進口貿易不  
惟久停洋面貽誤堪虞且船戶水手人數眾多一切汲取

淡水購買食物。甚屬苦累。現在眾情洶洶。有不遵約束之勢。既蒙

大皇帝逾格

天恩。自必諸加體恤。但求於廣州一口。照前約七月初一日通市。免致達商久待受虧等語。黃恩彤等復嚴加駁斥。而該夷目等抗辯不屈。固請不已。情詞極為迫切。拏查該夷以通商為性命。准其貿易。則恭順如常。絕其貿易。則驕蹇難制。故自有明至今。羈縻夷人。皆借通商為餌。現在該夷酋等既堅以七月初一日。在廣州通市為請。而伊里布生前。又實有成言。即所稱商船多隻。停泊洋面。觀望苦累情形。亦

尚非虛捏。若必待會奏條例。奉部議覆後。再准開市。計期約在七月之後。儼此一月內。貨船駛集日多。均停口外。不惟奸民私販偷漏必多。且恐夷情或有變更。所關匪細。查現定稅則。增者毋庸再與議增。減者亦不能使之不減。通盤合算。實屬減者少而增者多。於

國課有贏無絀。將來部議。似亦不致駁詰。與其遲行一月。慮生反側。何如早行一月。俾知感戴。才不揣冒昧。衡其輕重。

擅自從權。宣布

皇仁。

奉批。前辦。可。事。何。冒。昧。才。不。揣。冒。昧。衡。其。輕。重。之。像。

准其於七月初一日進廣州口。照新例貿易輸稅。其一切事

宜咨行粵海關查照趕辦。



諭軍機大臣等。耆英奏酌定通商輪稅章程。據奏五月二十六日。帶同黃恩彤。咸齡。輕裝減從。即坐火輪船。前往香港。接見該酋。喋喋。已將通商章程。及輪稅事例。麤定大局。換給和約。該夷酋極為恭順。帖服。即於六月初一日。駛回粵省等情。有膽有識。甚屬可嘉。其粵海關進出貨物。現已議定棉花茶葉稅則。約計關課有贏無絀。因該夷急於通市。即照伊里布前定期限。於七月初一日。先在廣州開市。權衡輕重。深合機宜。著即照議辦理。惟香港四面環海。舟楫處處可通。現已有內地民人零星買賣。必須明定章程。以杜走私漏稅。並一切未定事宜。著耆英會同祁墳。程喬采。文豐。通盤籌畫。固須俯順夷情。尤當慎持國體。永

杜弊端。俾各省皆可照辦。方為盡善。其咪喇堅。啤喇哂等國。請准照新定章程辦理。俟定議後。要約明白。另行辦理。

丙午。直隸總督訥爾經額奏。竊臣承准軍機大臣字寄。三月二十五日。奉

上諭。御史田潤奏。請團練鄉兵。以杜後患。而節軍需一摺。現在暎夷雖經就撫。而思患豫防。不可不籌。內固藩籬之計。著該將軍督撫。按照該御史所奏。體察情形。詳籌妥議。據實具奏。再團練鄉兵。防禦海口。該鄉兵生長本土。保護身家。臨時自能得力。惟用兵之法。固宜層層設伏。而後路尤關緊要。儻僅於海口較近地方。安置兵礮。全力抵拒。而後路不能策應。斷非制勝之道。三